

Liengz Bungzboz: Yung Song Vah Guh Ndei Hong Saemj-buenq Daengx Guek Aensingz Vunz Bouxcuengh Ceiq Lai

□ Cau Dwzfeih raiz Dahdingz hoiz

Gvangjsih Cingsih Si, diegyouq henzguk baihnazm guekcoj, soqlaiz miz aen cwnghueh dienheiq “Siuj-gunhmingz” caeuq bya dah “Siuj-gveilinz”. Gaengawq gyoepsuenq, bi 2012, daengx si gungh miz 65 fanh vunz, vunz Bouxcuengh ciemq 99.4%, dwg guek raeuz aensingz vunz Bouxcuengh ciemq ceiq lai. Youq dieg vunz Bouxcuengh comzyouq okhingz neix, baenzlawz yungh Cuengh Gun song vah daezhawj swfhaz fugsah hawj vunzlai minzcuuz vunznoix? Liengz Bungzboz boux fazgvanh Cuengh Gun song vah Cingsih Si Yinzminz Fazyen neix youq ndaw hong saemjbuenq guh’ok le gij gejgangj ceiq ndei. Mboengqneix, gicej baedaengz Cingsih Si Yinzminz Fazyen cienmonz caijfangi de.

Liengz Bungzboz, Bouxcuengh, vunz Gvangjsih Cingsih Si Vadung Cin, bi 1971 ndwen 5 seng, bi 1995 haeuj fazyen guhhong. Dangguh fazgvanh bonjdieg Cingsih, de daj iq gangj Vahcuengh dangdieg raeuzled, sugrox fungsug sibgveng dangdieg, rox caeuq vunzlai ganggoj, cawqleix cengnauh ak raixcaix.

Yung Vahcuengh dwg gij naengzlig giekdaj

Gij vah Cingsih Si yungh daeuj gangj cujyau dwg Vahcuengh (doeng-sug heuhguh “Yang”), caenhuengj baih saebaek Cingsih miz mbanj dieg miz vunz gangj “Cung” “Noengzan” “Sengi” “Fuj” doenghgiy vahdeih-fueng Vahcuengh neix, hoeng gij vunz gangj vahdeihfueng Vahcuengh neix dingzlai rox gangj “Yang”, couhcinj mbouj rox gangj hix dingq ndaej rox.

Gangj daengz baenzlawz yungh Vahcuengh saemjleix anqgienth, Liengz Bungzboz gig miz gamjsouh dwk naeuz: “Youq mwh saemjleix anqgienth, gij ceiq hoj fazgvanh bungzdaengz haenx dwg baenzlawz yungh Vahcuengh aeu gij hangzvah fapldw mizgven, genjdanh mingzbeq gangj hawj bouxdangsah rox.” Liengz Bungzboz lwnh gij nanzdaez mwh de saemjleix anqgienth bungzdaengz gvaq haenx hawj gicej: Youq mwh gaijgez gij anqgienth lizvwnh, baenzlawz dingh “gamjcingz faenmbek” caeuq “doxbaen youq” song aen hangzvah fapldw neix? “Hainduj, gou yungh Vahgun gejhoiz baenz byongh ngoenz, bouxdangsah lij dwg lumjnaeuz rox youh lumjnaeuz mbouj rox. Doek-laeng gou yungh Vahcuengh daeuj gejgangj, ‘gamjcingz faenmbek’ couhwdw ‘mbouj habsik’, ‘doxbaen youq’ yungh Vahcuengh daeuj gangj couhwdw ‘mbouj habsik, mbouj miz gamjcingz nauq, gvanbaz song mbiengj gak boux gag gvaq ndwenngoenz’. Baenzneix baez gangj, bouxdangsah couh cungj rox lo!” Liengz Bungzboz lwnh gicej.

“Youq Cingsih dieg Bouxcuengh comzyouq dingzlai cungj yungh



▲Liengz Bungzboz(baihsix daih’it) bae rog diuzgaij.

Vahcuengh doxgangj neix, yungh Cuengh Gun song vah saemjleix anqgienth couhwdw gij naengzlig giekdaj.” Liengz Bungzboz naeuz.

Gij vah cigciep haeuj gizlaeg ndawsim

Bi 2000 byongh bi laeng, Liengz Bungzboz youq mwh saemjleix aen anqgienth lizvwnh ndeu, aenvih bouxdangsah song mbiengj cungj dwg vunz bonjdieg Cingsih, ndigah daengx aen gocwngz cungj yungh Vahcuengh daeuj saemjleix. De mwhhaenx gamjsouh gig laeg, yungh Vahcuengh saemjleix anqgienth, caeuq bouxdangsah doxgangj engq ngaih, bouxdangsah ndawsim mbouj dingj, caeuq bouxdangsah liz gyawj le, couh aeundaej yauqoj siengj mbouj daengz lo.

Liengz Bungzboz geiq ndaej gig maenh, daj nawcaex yae daengz banringz, aen anqgienth haenx hai-dingz saemjleix byongh ngoenz ndeu lo, song mbiengj lij dwg genhciz gij siengjlap bonjfaenh, mbouj miz mbiengj lawz haengj nyiengh, gyoengqde cijnaengz daengx roengz-daeuj gonq, mbouj miz banhfap laebdaeb roengzbae. Youq mwh saemjleix anqgienth, Liengz Bungzboz yawj ok goengda lwnyeuz dwg boux ceiq siengj ciengj gij gienzleih ciengx lwnyeuz, yienghneix de aeu giz neix guh giz caphaeuj, rag goengda lwnyeuz gvaq henz bae, laeglemx doiq goengda lwnyeuz naeuz: “Sou seizneix ciengj gienzleih ciengx lwnyeuz mbouj miz loek, hoeng mwngz siengj gvaq mbouj, boux lwnyeuz neix dwg lwgsai, dangh-naeuz gvaqlaeng daxmeh lwnyeuz siengj gezvwnh moq, daiq lwnyeuz hix mbouj fuengbienh ba?” Goengda lwnyeuz naeuz: “Mbouj lau, daengz seizhaenx daeg lwnyeuz neix gou daeuj ciengx, hawj de youq ranz gou.”

Liengz Bungzboz youh gienq naeuz: “Mwngz siengj aeu lansai vaihseng mbouj miz loek, hoeng mwngz hix miz ngoenz geq ba? Daengzcog lwnyeuz majhung baenzvunz le, aeu baenzranz laebnieb, mwngz miz rengz bang de lwi? Caiq gangj, mwngz hix miz lan bonjfaenh, mwngz baujcwng vunzranz mwngz daengzcog mbouj vih boux lwnyeuz neix cengnauh?” Vah gangj daengz neix, goengda lwnyeuz mbouj rox gangj gijmaz lo. Doeklaeng mbiengj mehmbwk nyienh nyiengh gienzleih ciengx lwnyeuz hawj mbiengj bouxsai.

“Yungh Vahcuengh guh gij hong swhsiengj, ndaej cigciep haeuj gizlaeg ndawsim bae. Ngoenznaengz guhhong gyoengqvunz gou ciepcuk daengz haenx dingzlai dwg vunzlai Bouxcuengh, ndigah gou cungj dwg yungh Vahcuengh caeuq bouxdangsah doxgangj, ndaej yienghneix gangj, cungj doxgangj cigciep haeuj gizlaeg ndawsim bae neix hawj baenz aen baenz aen anqgienth gaijgez ndaej ndei bae.” Liengz Bungzboz yienghneix gangj.

Giethab funksug sibgveng gaijgez anqgienth ngeiznanz

“Youq fazyen caengz lajdaej guhhong, gij ndaw hong aeu gaijgez haenx dingzlai dwg gij ngaekngeu cengnauh bingzciengz, hoeng mbanj seiz hix bungzdaengz gij anqgienth ngeiznanz gig nanz guh.” Liengz Bungzboz naeuz, “Bungzdaengz anqgienth ngeiznanz, couh aeu roxyiuj diemjhot cengnauh youq gizlawz, dangguh gizdieg vunz Bouxcuengh comzyouq lai, lij aeu roxyiuj gij funksug sibgveng dangdieg, yienghneix cijndaej engq ndei diuzgaij cengnauh.”

Bi 2019 ndwen 3, Cingsih Si

Anhningz Yangh dieg henzguk Cungguk Yeznanz neix miz aen anqgienth gvendaengz yakdoeg ciemqfamh gienzleih ndeu. Bouxgauq aen anqgienth neix haem gij ndok cojcoeng youq dingjbya goengqbya baihlaeng aenmbanj bonjfaenh, ngamq haem roengzbae mbouj geijlai nanz, ngaiz bouxdenggauq Luz moux daengj vunz vat aenmoh bae. Bouxgauq nyinhnaeuz gij hingzveiz Luz moux daengj geij vunz deng gauq neix mboujdan dwg hangz ndok cojcoeng, doengzseiz hix hawj bouxgauq cingsaenz deng sienghah youqgaenj, vihneix bouxgauq singq Cau daengj 16 vunz gauq daengz Cingsih Si Yinzminz Fazyen.

Aenvih aen anqgienth neix youq dieg henzguk Cungguk Yeznanz fatseng, bouxdangsah song mbiengj mauzdun haenqrem, ciep daengz anqgienth le, vihliux engq haeujlaeg, engq cienzmienh bae roxyiuj anqingz, cietsaed gaijgez cengnauh, Liengz Bungzboz daegdaengq caenndang bae dieg fatseng anqgienth bae diucz. Youq ndaw gocwngz byaijcuuz diucz, Liengz Bungzboz roxyiuj daengz giz cungsim song mbiengj cengnauh, cungj aenvih caeuq fungsug dangdieg mizgven, baenzlawz guh? Liengz Bungzboz siengj daengz, itdingh aeu daj aeueiq fungsug sibgveng dangdieg roengz fwngz, cijndaej doiq bouxdangsah song mbiengj guh dazyinx mizyauq. Yienghneix, de yungh Vahcuengh giethab funksug sibgveng dangdieg miz cingz miz leix gejcek gij yienzaen cauxbaenz song mbiengj cengnauh, yungh fuengsik doengsug rox ngaih gangj gij cihsiz fapldw mizgven hawj bouxdangsah song mbiengj dingq, caemhcaiq lai baez gangj funksug sibgveng aeu aeueiq, hoeng itdingh aeu doenggvaq roenloh fapldw gaijgez cengnauh, gij saeh famhfap cienneiz gaej guh. Bouxdangsah doiq de bae dieg fatseng anqgienth guh gij hong diucz haeujlaeg saeqnaeh, daegbied dwg de giethab funksug sibgveng dangdieg guh diuzgaij, bak fug sim fug, cungj naeuz gyo’mbaiq de, caemhcaiq naeuz yae doenggvaq roenloh fapldw gaijgez cengnauh song mbiengj. Doek-laeng, aen anqgienth ngeiznanz youq dieg henzguk fatseng neix dauqdaej gaijgez ndaej lo.

Liengz Bungzboz dang boux-saemjbuenq guhhong saemjbuenq 16 bi doxdaeuj, cozfung h yiemzhaenq, fwngzseuq swfhaz, gij anqgienth de banh haenx mbouj miz anqloek, hix mbouj miz gij yienhsienq bouxdangsah goenjgeuj dajgauq. Ciuq gyoepsuenq, dan youq bi 2018, de couh saemjleix le 64 aen anqgienth minzsah, gij anqgienth de banh haenx mbouj miz saek aen gaij buenq roxnaeuz dauqungz saemjleix, sou-ndaej le sevei yauqoj caeuq fapldw yauqoj ndei.